

Powšitkowne WOZJEWJENJA

njedźelu, 14. awgusta 2022

Wusyłanje Božej mše

Serbskorěčnu Božu mšu móža wěriwi tutu njedźelu, 14. awgusta, w 9.00 hodź. znowa z Chrósćic jako livestream sčehować. Link na nju je w interneće pod www.posol.de a na wosadnej stronje podaty.

Na Marije donjebjeswzaća kemše w Róžeńće

Serbskorěčna Boža mša na swjedženju swjateje Marije donjebjeswzaća pónđzela, 15. awgusta, w Róžeńće budže w 9 hodź. Wšitcy wěriwi su wutrobnje přeprošeni.

Modlenje w Róžeńće

Na modlenje swjateho rózowca a před Najswjećišim su wěriwi sobotu, 20. awgusta, we 18 hodź. do Róžeńčanskeje hnadowneje cyrkwy přeprošeni. Pačerje budu so serbsce a němsce spěwać.

Serbowka złoži wěčne sluby

Ze Sulšec pochadźaca sotra Alojsia (Sarah) Rječkec změje wutoru, 30. awgusta, zhromadnje ze sobusotromaj wěčnu profes pola Auerbachskich šulskich sotrow. Před Bambergskim arcybiskopom dr. Ludwigom Schickom zloža wone na Božej mši, kotraž so w 10.00 hodź. zahaji, w cyrkwi maćerneho domu sotrow w Auerbachu (Hornja Pfalca) swoje wěčne sluby. Zdobom wotpołożitej dalšej sotře swoje časne sluby. Nimo toho zahaji pjeć sotrow swój nowiciat. Wone proša wěriwych wo to, zo bychu so za nje modlili.

Kolpingowcy za tydzień w Róžeńće

Kolpingowcy Drježdźansko-Mišnjanskeho biskopstwa poputnikuja njedźelu, 21. awgusta, do Róžanta. Putniske kemše za wšitkich wěriwych z biskopom Heinrichom Timmerersom budu w 10.00 hodź. K 100lětnemu wobstaću diecezanskeho zwjazka rěka hesło při tym „Kolpingowe puće – žiwjenske puće“. Po kemšach změja připołdniše poskitki na ležownosći. W 13.00 hodź. zaklinči w cyrkwi duchowna pišćelowa hudźba, doniž swój dzeń w 14.00 hodź. z nyšporom njezakónča.

Ekumeniski nyšpor w Klóštrje

Křesćansko-socialny kubłanski skutk z.t. přeprošuje zhromadnje z klóštrom Marijinej hwězdu na ekumeniski nyšpor na klóštersku zahrodu w Pančicach-Kukowje. Tón zahaji so njedźelu, 21. awgusta, w 14.30 hodź. Na nim budu zela swjećene. Tomu přizamknje so kulturny program. Nimo toho móža zajimcy tójšto wo zelach a jich skutkowanju zho- nić. Na zahrodze wotkryja nasčěnowy wobraz Šćěpana Hanuša k slónčnej pěśni swjateho Franciskusa.

Młodźina do Schmiedeberga

Kubłanske dny serbskeje młodźiny wotměja so wot pjatka do njedźele, 23. do 25. septembra, w Schmiedebergskim Winfriedowym domje. Zajimcy měli so hač do pónđzele, 5. septembra, online na internetowej stronje dekanatneho dušepastyrstwa za młodźinu přizjewić.

Wulět młodostnych do Blótow

Dekanatne dušepastyrstwo młodźiny přeprošuje młodostnych ze wšěch serbskich wosadow na zhromadny wulět do Blótow, a to njedźelu, 11. septembra. Wotjězd budže něhdže w 12 hodź. Přizjewjenja přijimuju so hač do pónđzele, 29. awgusta, online. Wotpowědny link k tomu je pod www.posol.de podaty. Tam su dalše informacije podate.

Knihu wo Wotrowskim swjedženju sej skazać

Wotrowska wosada chce hišće lětsa knihu wo 250lětnym swjedženju poswjećenja swojeje cyrkwy wudać. Wobsahować ma wona serbske a němske teksty kaž tež wjele wobrazow. Nakład budže wobmjezowany. Štóž pak sej knihu hač do njedźele, 11. septembra, skaza, ju tež wěsće dóstanje. Zajimcy měli so do lisćiny we Wotrowskej cyrkwi zapisać respektiwne to Pohončecom we Wotrowje, telefonowe čisło (03 57 96) 9 81 04, zawostajiwši powěsć na pasku, abo z mailku na adresu WotrowskaCyrkej250@web.de zdžělić.

Teologija skónčnje zrozumliwa

Wšitcy, kotřiž chcedza swoju wěru pohłubšić a wjace wo třoch bójskich wosobach – Wótcu, Synu a Duchu Swjatym – wuslědźić, su wot pjatka do njedźele, 2. do 4. septembra, do Smochčanskeho kubłanišća swjateho Bena přeprošeni. W zarjadowanju z titlom „BASICS – teologija skónčnje zrozumliwa: Wuznaće wěry – Bóh Wótc, Syn a Duch Swjaty“ budu so krótke impulsowe referaty z džěłarničkami a modlenjom wotmjenjeć. Zajimcy měli so hač do přichodneho štwórtka, 18. awgusta, online přizjewić. Link je pod www.posol.de podaty. Štóž ma k tomu prašenje, měł so w Drježdžanskim biskopskim ordinariacie na Paulina Krausu, telefonowe čisło (03 51) 31 56 33 61 abo z mailku na paulin.krause@bddmei.de wobroćić.

Kurs „Bibliske powědace figury“

Smochčanske kubłanišćo swjateho Bena přeprošuje wot pjatka do njedźele, 14. do 16. oktobra, na tworjacy kurs „Bibliske powědace figury“. Při tym dže wo bibliske powědace figury, kotrež mnohostronske gesty zwuraznjeja a so lochce do druheje postawy přetworić móža. Přeprošeni su ludžo kóždeježkuli staroby, kotřiž měli so w Smochćicach přizjewić. Flajer z wobšěrnym wopisanjom je pod www.posol.de wozjewjeny.

Dworowy swjedzeń w Hrubjelčicach

Serbske ewangelske towarstwo a Maćijec swójba přeprošujetej wšitkich Serbow a dalšich zajimcow sobotu, 3. septembra, na lětnje pućowanje na hrodžišćo w Dobruši a na serbski swjedzeń. Započatk je w 14.00 hodź. na Jaworkec/Maćijec dworje w Hrubjelčicach, Čěchorčanska 16. Po swačini tam přizamknjetej so w 17 hodź. serbska ekumeniska nutrnosť a program z kapału Horjany. Nadrobniše informacije su pod www.posol.de wozjewjene.